


SASKIBALOIA



Sibiliok postua gal dezake bosteko titularrean.

OLALDE

Taugres eta Joventut, puntako neurketa gaur Araba Pabilioian

LUIS KARLOS GARCIA / GASTEIZ

ACB Ligan dagoen talde indartsuenak eta nagusiei lidergoa kentzeko bigarren mailakoan artean orain arte gaitasun gehien erakutsi duenak, elkarren kontra jokatu dute gaur Gasteizen eguerdiko 12.15etan eta TVE-2k zuzenean eskainiko du.

Joventut eta Taugresen arteko partidua puntakoa izango da. Batak zein besteak, arerioaren beldur ibiltzeko arrazoiak ditu. Herb Brownen taldeak, Badalonakoek guztira hogei partidua galtzeko eman dituztelako, eta Mike Smith-ek jokatzeko izango ez duen arren, jokalaria zerrenda izugarria dutelako. Lolo Sainzek, besetik, Zurbanoko kantxan irabaztea «erronka aparta» dela aitortu behar izan du.

Baina beldurak beldur, Baskoniak fitxatu berri duen David Wood iparramerikarra da gaur arreta handiena bilduko duena. Oraindik ere azalpenak egiteko astirik izan ez duen jokalaria berria su eta gar aritu da asteko entrenamenduetan. Duela bi urte Barcelona txapeldun egin zuen jokalaria dela bistan utzi nahi izango du Wood-ek, bai Arabako zaletuen aurrean baita Espainiako telebistaz partidua ikusiko duten Estatuko ikusleen aurrean ere.

David Wood-ek «seigarren jokalararen» modura jokatzeko dauzkan ezaugarriak azpimarratu ditu Brown-ek. Hala ere, Laso, Rivas, Arlaucak eta Dicentarekin batera kantxan izango denean osatuko duten bostekoak ez dio inori apal zertan begiratu behar, ezta gaur Joventuti ere.

ARAZOK
TALDE
BIETAN

Edozelan ere, partidua ez zaio inori unerik onenean iritsi. Taugresko jokalariek beherakada mental gogorra uxatu nahian dabilta, eta talde nagusien aurka erreazio bikiak gauzatzen dituzten neurrian, baikor ibiltzekoa da gaur aurkaria Montigala Joventut izanda ere. Gauza jakina da, esate baterako, Ramon Rivasek ekitaldi politenak pisu handiko arerioen kontra egitea ohizkoa duela.

Badalonako taldea kale egin barik partidua irabazten ari da, baina jokoa ezintasun ulergaitzak ere erakutsi ditu. Ferran Martinez lesionaturik, Carles Ruf eta Jordi Villacampa larri dabilta fisikoki. Dena den, denboraldi galanta egiten ari den Jordi Pardo, Corney Thompson pibot erregularra, Pressley trebea edo nahi bezalako erritmoa jartzen dakiten Jofresa anaiak, Morales bilbotarrekin batera ia garaitezina dira.

ESKUBALOIA

Elgorriagak ASOBAL Koparako sailkapena lortu zuen atzo

Irundarrek 26-25 irabazi zioten Barcelonari Artalekun

Elgorriaga Bidasoak ASOBAL Kopa jokatu du urtarreko lehen egunetan atzo Barcelonari irabazi ondoren. Atzoko garaipenarekin Juantxo Villarrealenak sailkapenaren lehen postuan kokatu dira lehen fase honen bukaeran. Europara itzultzeko urrats handia eman zuten irundarrek.

IRUN

Azken minutuetan larrialdi ugari pasa ondoren, Elgorriaga Bidasoak 26-25 irabazi zion atzo Barcelonari. Irundarrek aurretik joan ziren partidua osoan zehar, baina azken segunduetan kataluniarrak arrisku handiz gerturatu ziren. Hala ere, Villarrealen ezinbestekoak zituzten bi puntuak eskuratu zituzten.

Lehen zatian Elgorriaga jaun eta jabe izan zen. Kataluniarrak ohizkoa duten 3-2-1 defentsa ez zen nahikoa izan irundarren erasoko jokoa gelditzeko. Bogdan Wentak bultzaturik irundarrek 17-11ko abantailaz joan ziren atsedenaldira. Ezin aipatu gabe utzi Miguel Angel Zuñigak lehen zati horretan, eta gero partidua osoan zehar, egin zuen lana. Irundarren kapitainak goi mailako lauzpabost geldiketa egin zituen, eta horiek funtsezkoak izan ziren taldea garaipenera bultzatzeko.

BIGARREN
ZATIAN
LARRI

Bigarren zatian gauzak bestelakoak izan ziren. Hasi bezain pronto kataluniarrak 3-1eko partziala egin zuten beraien alde. Hortik aurrera Valero Riverarenak irundarrek baino hobeto aritu ziren erasoan eta arrisku handiz gerturatu ziren mar-



Defentsan lan bikaina egin zuten Juantxo Villarrealen jokalariek. JOXEAN GOYA

kagailuan. Hamasei minutu falta zirela kataluniarrak hiru goletara jarri ziren eta bi minutu besterik falta ez zirenean partidua berdindu egin zuten. Hori izan zen zalantzarik gabe partiduko momenturik larriena irundarrentzat.

Une horretan epaileek Xabier Mikel kaleratu zuten eta irundarrek jokalaria bat gutxiagorekin jokatu behar

izan zuten azken minutu terdian. Hala ere, Elgorriagakoek beste gol bat lortu zuten Bolearen eskutik.

Azken finean Elgorriagak me-rezitako garaipena eskuratu zuen. Garaipen honek irundarren une bikaina isladatu du. ASOBAL Kopa Villarrealenak Europara itzultzeko txartela lortzeko aukera paregabea dute.

ZALDI LAZTERKETAK

Faborito argiak gaurko ihardunaldian

DONOSTIA

Gaur jokatu den neguko denboraldiko bigarren ihardunaldian faborito argiak ditu. Lehenengoan, Urko Saria, Faro Galea eta Isla Cristina dira garaipenerako hautagai nagusiak. Zohska Sarian Cascada, Palm Islanden Tineo, Banco Exterior de España sarian

Red Baby eta Agia Marina, eta azkenekoan Malandrín dira gaitzetzeko faboritoak.

Lasterketak 11.45etan hasiko dira eta azken orduko hutsik gertatzen ez baldin bada, 51 zaldi izango dira. Gainera, esan beharra dago Alborada zalditegiak hogei-tamar zaldi jarriko dituela salgai bihar.

ZIKLOKROSA

Vervaet da faborito Andoainen

ANDOAIN

Stephen Roche, Gonzalez Salvador, Jokin Mujika, Eduardo Chozas, Joxerramon Izaguirre, Paco Sala, Insausti, Herrigers eta Vervaet, besteak beste, izango dira gaur Andoaineko ziklokroseko irteeran. Errepideko txirrindulariek jende ugari erakarriko dute zirkuitura, baina proba irabazteko faboritoak Herrigers eta

Vervaet espezialistak dira.

Eguerdiko hamabiak eta laurdenetan hasiko den proba (aurretik kadeteek eta jubenilek korrituko dute) 2.200 metroko zirkuituan egingo da. Azken egunetako euriek lokaztuta utzi dute Andoaineko ibilbidea, eta ondorioz txirrindulariek lan ugari egin beharko dute.

Azterritarrak faborito izanda ere, Izaguirre lanak emateko moduan da.

Euskal musikaren erritmoan
ari gara

DISKETXEA

San Roke Auzoa 45 96 29 / 46 29 64
Arbaitzalde etxea 20009 DONOSTIAZUMAIKO
UDALA

DEIALDIA

Kontuartzaille zientzia Enpresarialetan edo Ekonomikoetan Lizentziatua behin behineko izaeraz kontratatzeko, lanetan aritzeko. INSTATZIAK AURKEZTEKO EPEA: 1.992ko Urtarrilaren 7a.

Zumaia, 1.991ko abenduaren 20an.
ALKATEA

ORDIZIAKO JAKINTZA IKASTOLAK

Goi zikloan soinketako irakasle bat behar du, hiru hilabeteko ordezkapen baterako. Bete-beharrak:

-E.G.A. Titulua. -Magisteritza titulua,
Soinketako ezagutzak kontutuan hartuko dira.
Datuak bidaltzeko epea: Abenduak 27

Zuzenbidea: Altamira Auzoa z/g 20240 - ORDIZIA